

Resoluziun CM/ResCMN(2023)8 davart la realisaziun da la Convenziun da basa per proteger las minoritads naziunalas tras la Svizra

(deliberada dal Comité dals ministers ils 14 da settember 2023
 a chaschun da la 1474. sesida dals delegads dals ministers)

Il Comité dals Ministers, tenor ils artitgels 24 fin 26 da la Convenziun da basa per proteger las minoritads naziunalas (numnà suandardamain «la Convenziun da basa»),

sa basond sin la Resoluziun CM/Res(2019)49 dals 11 da decembre 2019 davart il mecanissem da surveglianza revedì tenor ils artitgels 24 fin 26 da la Convenziun da basa;

resguardond la regla da votaziun applitgabla¹;

resguardond l'instrument da ratificaziun che la Svizra ha inoltrà ils 21 d'october 1998;

renviond al rapport statal che la Regenza da la Svizra ha puttamess il 1. d'october 2021 en il rom dal tschintgavel ciclus da surveglianza da la Convenziun da basa;

suenter avair examinà il tschintgavel Parairi dal Comité consultativ davart la Svizra ch'è vegnì approvà ils 13 da favrer 2023,

deliberescha las suandardas conclusiuns concernent la Svizra:

Las autoritads vegnan supplitgadas da resguardar las observaziuns e las recumandaziuns dal tschintgavel Parairi dal Comité consultativ. Per meglierar ulteriuramain la realisaziun da la Convenziun da basa, duessan ellas numnadaman prender las suandardas mesiras:

Recumandaziuns per mesiras immediatas:

1. Reveder las disposiziuns legalas per garantir la realisaziun cumplaina dal princip da la nundiscriminaziun e da l'access egual als dretgs per las personas che appartegnan a las minoritads naziunalas. La nova legislaziun duess includer ina definiziun clera ed in scumond da discriminaziun directa ed indirecta sco er ina glista cumplecta da las praticas discriminantas scumandadas.
2. Augmentar il dumber da pazzas da segiurn, da passagi e da transit, en cunvegnentscha cun las gruppas d'interess las pli impurtantias e cun las cuminanzas pertutgadas.
3. Augmentar ils sforzs per cumbatter cunter tut las furmas da rassissem e d'intoleranza, inclusiv l'antiziganissemm, l'antisemitissemm ed il rassissem antimuslim ed anti-nair. Las autoritads duessan plinavant rinforzar lur stentas per franar la derasaziun da plebs instigants en las medias socialas, quai en stretga collavuraziun cun ils purschiders da servetschs d'internet e cun las gruppas da la populaziun pertutgadas il pli fitg.

¹ Ils 17 da settember 1997 ha il Comité dals Ministers deliberà la decisiun CM/Del/Dec(97)601/4.5 che cuntenga la suandarda regla: «Las decisiuns tenor ils artitgels 24.1 e 25.2 da la Convenziun da basa vegnan consideradas sco approvadas, sche dus terzs da las represchentantas e dals represchentants da las parts contractantas che sa participeschan a la votaziun, inclusiv la maioritad da las represchentantas e dals represchentants da las parts contractantas autorisadas da seser en il Comité dals Ministers, voteschan a favor da talas».

4. Includer ed intensifitgar l'instrucziun davart l'istorgia dals Roma, dals Jenics e dals Sinti/Manouches – inclusiv l'istorgia dals Roma, dals Jenics e dals Sinti/Manouches ch'en daventads victimas dal Holocaust – en ils plans ed en ils medis d'instrucziun. Er la malgiustia commessa da la Fundaziun *Pro Juventute* duess vegin integrada en ils plans ed en ils medis d'instrucziun.

Ulteriuras recumandaziuns²:

5. Manar in dialog constructiv cun las personas e cun las cuminanzas, sco p.ex. las personas che appartegnan a la cuminanza dals Roma en Svizra, che han exprimì lur interess da far valair il dretg da la protecziun tras la Convenziun da basa. Quest dialog pudess – tut tenor ils giavischs da las represchentantas e dals represchentants da questas cuminanzas – vegin manà sin basa d'ina metoda «artitgel per artitgel» da la Convenziun da basa.

6. Optimar la metoda da la dumbraziun dal pievel e far ils pass necessaris per sviluppar metodas d'enquista adattadas per garantir il dretg da la libra identificaziun a chaschun da l'actualisazion dals registers da la populaziun. Las autoritads duessan elavurar metodas che permettan d'obtegnair il dumber effectiv da las personas che appartegnan a las minoritads naziunalas.

7. Procurar che mintga lescha che pudess restrenscher ils dretgs da las personas che appartegnan a las minoritads naziunalas vegin elavuradas en stretga collaurazion cun las represchentantas ed ils represchentants da questas minoritads. Las autoritads ston garantir che las leschas e las mesiras apparentamain neutralas n'hajan nagins effects discriminants.

8. Prender las mesiras necessarias, en cunvegnientscha cun las gruppas pertutgadas, per che l'instituziun naziunala dals dretgs umans saja plainamain confirma als Princips da Paris. Las autoritads duessan en spezial surdar a questa instituziun in mandat per tractar ils recurs, e la munir cun cumpetenzas d'investigaziun adattadas sco er cun resursas suffizientas.

9. Tgirar in barat regular cun las represchentantas ed ils represchentants da las minoritads dals Jenics e dals Sinti/Manouches per s'infurmarr davart lur basegns en connex cun la promozion efficacia da la cultura e da l'istorgia da lur minoritat ed eventualmain prender en mira d'augmentar, sche necessari, il sustegn finanzial a favur da questas minoritads, quai per promover lur cultura. Il sustegn finanzial duess er cuntegnair la promozion dals artisanadis e da las professiuns tradiziunalas da questas minoritads sco elements impurtants da lur cultura e da lur identitat.

10. Exaurir la legislaziun existenta per perseguitar en moda efficacia la preschentaziun publica da simbols che propagheschan e glorifitgeschan il naziunalsocialissem e per chastiar e sancziunar expressivamain questas praticas.

11. Procurar che tut las mesiras prevesidas concernent ils crims d'odi vegin effectivamain applitgadas per ch'ils delicts da quest gener cunter personas che appartegnan a minoritads naziunalas ed ad outras cuminanzas preschentas en Svizra vegin registrads meglier, per ch'i dettia investigaziuns polizialas davart tals e per che lur delinquentas e delinquents vegin persequitads en moda commensurada.

12. Sustegnair la producziun d'emissiuns da televisiun e da radio che han la finamira da promover las culturas, las tradiziuns e l'istorgia da personas che appartegnan a las minoritads dals Jenics e dals Sinti/Manouches, quai en stretga collaurazion cun lur represchentantas e represchentants. Las autoritads duessan er sensibilisar las personas che appartegnan a las minoritads dals Jenics e dals Sinti/Manouches per la procedura da recurs e da surveglianza existenta dal Cussegl svizzer da la pressa concernent il cuntegn redacziunal en las medias.

13. Garantir la participaziun effectiva da las represchentantas e dals represchentants da las minoritads dals Jenics, dals Sinti/Manouches e dals Gidieus als affars publics sin plau chantunal e federal, quai cun stabilir organs consultativs permanents che reflecteschan la diversitat da questas minoritads. Las autoritads duessan garantir la participaziun effectiva da las represchentantas e dals represchentants da las minoritads a tut ils process legislativs che han potenzialmain consequenzas per lur situaziun e per lur dretgs.

² Las recumandaziuns qua sutvar cumpanan en la successiun dals artitgels correspondents da la Convenziun da basa.